

*In* permissione divina archiepiscopus Bracarensis et .D. eadem electus Colimabriensis religiosus viris et in Christo dilectis de Gardia et de Covilliana Ordinis Fratrum Minorum Guardianis eorumque conventibus suis Dei fidelibus salutem et presentis vite cursum in confessione Christi pro justitia consummare.

*Cum* nobiles viri dominus Didacus Lupi domnus R. Gomecii de Gallecia domnus Ramirus Froile et domnus Rodericus Froile et domnus Fernandus Johannis de Limia ad impediendum provisionem apostolicam cum domno A. regis Castelle et Legionis primogenito regnum Portugalie sicut accepimus sint ingressi nos qui provisionis eiusdem executores sumus a sumo Pontifice deputati devotioni vestre in virtute obediencie precipiendo mandamus quatinus per vos vel per aliquos fratres vestros ad ipsos vel ad locum ubi ipsi in regno isto fuerint accedentes ex parte domini Pape et nostra monere curetis eosdem et vassallos et auxiliatores eorum ut ab hujusmodi domini comitis Bolonie et provisionis de ipso facte regi et regno Portugalie et populis in eo degentibus impedimento se et suos procurent cohibere admonitionem ipsam coram ipsis et aliis qui affuerit vel si eorum copiam habere forte non potueritis in locis ubi fuerint ut dictum est publicare curetis. Quod si a vobis comoniti respiscere voluerint presertim cum nos per regnum Castelle et Legionis in multis civitatibus coram populo universo provisionem apostolicam publicantes admonitiones etiam publice contra tales et generaliter proposuerimus ipsos auctoritate nostra in Gardia et in locis aliis ubi vobis ire licuerit excommunicatos publice nunciatis.

*Preterea* domnum Fernandum Johannis et domnum Rodericum Froile prefatos qui olim diocesis Bracarensis hostiliter percurrentes propter violationes ecclesiarum et rapinas bonorum ecclesiasticorum domni legati et predecessoris nostri archiepiscopi Bracarensis sententias incurrerunt et postmodum prestito juramento vicariis Bracarensis quod super hiis pro quibus excommunicati erant mandatis parerent ecclesie et lesis satisfacerent de commissis ad magnam ipsorum et domini Compostellani instantiam ab eisdem vicariis beneficio absolutionis obtento satisfacere neglexerunt.

*Nos* justitia exigente ipsos in pristinam excommunicationis sententiam reducimus mandantes vobis quatinus ipsos ex hac etiam causa specialiter denunciatis excommunicationis sententia innodatos mandamus etiam vobis sub prescripti tenori precepti quatinus litteras istas quas mittimus infanti domno A. faciatis ei legi vel ubi ipse fuerit per aliquos ex vobis qui ipsum ex parte nostra diligenter moneant et inducant ad ea que in ipsis

litteris continentur qui eciam easdem litteras perlectas retineant in testimonium facte admonitionis et consuerent easdem prout in fine eiusdem littere continetur.

*Datum* apud Leirenam iij Jdus Februarii.

(A. E.)